



15. november 2016

UKA 2016/141

Justus Hansen

**Nunatsinni ingerlatseqatigiiffiit tamakkiisumik ilaannakuusumilluunniit
Namminersorlutik Oqartussanit pigineqartut naalakkersuisunikkut qanoq
ineriartortinnissaannut kissaatigisavgut, tassungalu ilanngullugu
sinneqartoorteqartarnissamik, iluanaarutinik kiffartuussinikkut inisisimanissaannik
sutigut piumasaqaateqassanersugut pillugu apeqquteqaat aallaavigalugu oqallinnissamut
siunnersuut**

(Inatsisartunut ilaasortaq Mimi Karlsen, Inuit Ataqatigiit)

Demokraatini innersuussutigissavarput namminersortunngorsaanissaq pillugu
ataatsimiitaliarsuarmik pilersitsinissamut matumanit ataatsimiinnermi aalajangiiffigisassatut
siunnersuutigisarput. Ataatsimiitaliarsuup namminersorlutik oqartussat suliffeqarfiutai
itisumik nalilersussavai, uangut politikerit paasilluarniassagatsigu, ingerlatseqatigiiffiit sorliit
iluaquaasumik namminersortunngorsarneqarsinnaassanersut.

Paaserusutagut paasereerutsigit, ataatsimiitaliarsuup naliliinera naapertorlugu pisortanit
ingerlatiinnarneqartussanut ingerlatseqatigiiffinnut pisortani nukigut atussavagut, taava
namminersortunut ingerlatseqatigiiffiit sinneri ingerlatassangortissavagut.

Demokraatini qularinngilluinnaqqissaarparput atuisartunut inuiaqatigiillu aningaasarsiornerannut
pitsaanerpaasussaasoq niuernermi unammilleqatigiittoqartuuppat. Namminersorlutik Oqartussat
suliffeqarfiutaasa ilaat eqqarsaatigalugit inuieqatigiinni kisermaasserpalaartutut inisisimaput,
uangullu isumarput naapertorlugu tamatuma kinguneranik nioqutissiat akisuallaalersarput.

Tassunga atatillugu assersuutigilluarsinnaavarpot oqarasuaatinik angallattakkanik
kissartuussineq. Tassani arlaannaannulluunniit attuumassuteqanngitsup nalunaarusiapi takutippaa,
niuerneq unammilleqatigiiffiulersuugaluarpat inuiaqatigiit annertuumik
iluanaaruteqassagaluartut, taamaakkaluartorli nalunngisatsitut inimi maani amerlanerussuteqartut



namminersortunngorsaanissaq unitsikkallarnikuuaat - naak uffa aamma
namminersortunngorsaanerup kingunerisussaagaluaraa atuisartunut akit appasinnerulersussaasut.
Demokraatin isumaqpugut uggorartoq amerlanerussuteqartut killilersungaanngitsumik
tuniniaasoqalernissaanut taama noqitsigimmata.

Taamaattumik aammaarluta inimi maani partiinut allanut kaammattuitigeqqissavarput
tapersersoqqulluta namminersortunngorsaanermut ataatsimiititaliarsuarmik pilersitsiniarluta
kissaateqarnitsinni. Tamatuma kingorna sukumiisumik oqallisigissavarput
sinneqartoortarnissaq, agguagarsissarnissaq kiffartuussinissarlu pillugit namminersorlutik
oqartussat ingerlatseqatigiiffiinnut sinneruttunut qanoq piumasaqartassanerluta.

Taakkuugallarput oqaasererusutagut qilanaarpugullu oqallinnerup ingerlaqqinnerani
peqataanissatsinnut.